



12. august 2011

UKA 2011/133

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Meeqqat arsaarinnissutaasut angajoqqaarsiaanni atugarisat nakkutigineqartarnissaat ersarinneruleqqullugu tassungalu ilanngullugu meeqqat arsaarinnissutaasut pillugit iliuusissanut pilersaarusiortoqartalernissaata qulakkeerneqarnissaa anguniarlugu siunnersuuteqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Astrid Fleischer Rex, Demokraterne)

Tunngavilersuut

UKA2011-mi partiit tamarmik meeqqat arsaarinnissutaasut angajoqqaarsiallit atugaat oqallisaagaat. Meeqqat arsaarinnissutaasut angajoqqaarsiaqalersimasut pillugit iliuusissanut pilersaarutit amingaataasarnerat tikkuartorneqarpoq minnerunngitsumillu meeqqat angajoqqaarsiaqalersimasut nakkutigineqartanninnerat kiisalu iliuusissatut pilersaarutit suliarineqartassasut malinneqarlutillu. Ajoraluartumillu angajoqqaarsiannigortut meeqqanik tiguisarput suli iliuusissanut pilersaarusiortofigineqarsimannigitsunik, naak iliuusissanut pilersaarutit inatsisit atuuttut naapertorlugit suliarineqartartussaagaluartut aamma nakkutillineq taamatut peqqatuttarpoq.

Manna aalajangiiffigisassatut siunnersuut aqqutigalugu Demokraatini meeqqat angajoqqaarsiaqalersimasut nakkutigineqartarnissaannut piumasaqaatip ersarissarnissaa kissaatigarput kiisalu iliuusissanut pilersaarutit suliarineqartassasut malinneqarlutillu.

Inuiaqatigiittut akisussaaffimmik angisuumik tiguisarpugut, meeqqat angerlarsimaffimminniit arsaarinnissutigineqaraangata angajoqqaarsiassaannullu inissinneqarlutik. Kisianni puigussann-gisaannassavarput akisussaaneq kipineq ajormat meeqqap allamut inissinneqarnera pissutigiiinnarlugu. Angerlarsimaffiup avataanut inissiineq meeqqamut ilaqutariillu inuunerannut akuliunneruvoq uangullu inuiaqatigiittut pisussaavugut angerlarsimaffiup avataanut inissiisarnerup nammineq anguniagannigortinninnissaanut. Suliap ingerlaqqinnera aamma taama pingaartigaq, tassa imaappoq, iliuusissanut pilersaarutit sananeqassapput, malinneqassaput nutarterneqartarlutillu, tamanna pisariaqartinneqarpat. Malitseqartitsisarnissaq meeqqamut, ilaqtutanut angajoqqaarsiaannullu pingaarutilerujussuuvoq. Qulakkeerneqartussaammat iliuutsit ikiorsiissutillu aallartinneqartut eqqortuusut aammalu akulerusimasut tamarmik ilisimassavaat qanoq alloriaqqittoqassanersoq arlaannaalluunniit iloriusissaaleqileqqunagu.

Naalakkersuisut UPA2011/58-mut akisumminni allapput, 2011-ip ingerlanerani angajoqqaarsiaqartitsisarneq tamarmi misissorneqassamaartoq, tamatumalu tusarfiginissaa Demokraatini qilanaaraarput. Takorloorparput aamma siunnersuut manna suliarineqartoq misissuinissanut pilersaarutaareersunut ilanngunneqarumaartoq.

Siunnersuut meeqqat arsaarinnissutaasartut angajoqqaarsiallu atugaasa pitsaanerulernissaannik kissaateqarnertut isigineqassaaq.

Aningaasatigut allaffissornikkullu pisortanut kingunissai.

Siunnersuutip aningaasatigut allaffissornikkullu pisortanut kinguneqarnissaa nalilerneqarpoq, inatsisissamut allannguutissaq suliarineqartussaammat, nutserneqarluni il.il. kingornalu tusarniutigineqarluni. Inatsisissatut siunnersuummik suliaqarnermi allaffimmi sulisut atorneqartussaasapput. Naatsorsuutigineqarporli inatsisitigut allannguutissap, suliarineqarnera pisinnaasoq angajoqqaarsiaqartitsisarnerup misissorneqarnissaanut aningaasaliissutaareersut iluanni.

Aningaasatigut allaffissornikkullu namminersorluik inuussutissarsiortunut kingunissai.

Siunnersuutip namminersorlutik inuussutissarsiortunut aningaasatigut allaffissornikkullu kinguneqarnaviangilaq.

Aningaasatigut allaffissornikkullu innuttaasunut kingunissai.

Siunnersuutip innuttaasunut aningaasatigut allaffissornikkullu kinguneqarnaviangilaq. Allaffissornikkut naatsorsuutigineqassaaq angajoqqaarsianut inissiinissat ataasiakkaat suliarineqartarneri pitsanngortinneqarsinnaasut, akulerusimasut tamarmik iliuusissanut pilersaarummik tunngaveqalersussaammata.

Taamatut oqaaseqarluta qilanaarpugut Naalakkersuisut akissuteqarnissaannut taamatullu partiit allat saqqummiussassaannut.